

經

義

述

聞

經義述聞第八

高郵王引之

周官上五十條

府多於史 膳人無府史 解止 敘官有九嬪以下
無三夫人 幣餘之賦 嬪貢 和布 具脩 敘弛
質冢宰受歲會 一曰正 歲終 行其秩敘 膳
用六牲 賓客會 肉物 選百羞醬物珍物 饗亨
煮 疇瘍者 掌冰正 孤 巾絮 凡王之獻 凡
上之用財用 民之財 振掌事者之餘財 以作二
事 夏纁元 故書綬爲纁 下士十有六人 樂禮
與有地治者 九比 大故致餘子 地域 六鄉

之治 興舞 祭祀役政喪紀之數 豐年則公旬用
三日焉 中 王舉則從 內列 主友 純帛 鞭
度 誼豫 斂市紵布 飾行 凡治野 與其施舍
者

府多於史

天官敘官大宰。府六人。史十有二人。疏曰。周禮之內。府
史大例。皆府少而史多。唯有天府一官。府多於史。以其
所藏物重故也。引之謹案。天官掌次。府四人。史二人。春
官鬱人。府二人。史一人。司尊。府四人。史二人。司几筵
府二人。史一人。司服。府二人。史一人。礬師。府四人。史二

人典庸器。府四人。史二人。皆府多於史。而賈氏曰。唯有天府一官府多於史。則其餘皆否。若如今本掌次等官。皆府多於史。賈氏不應獨舉天府一官。竊疑掌次等官府四人。史二人。府二人。史一人。人數皆上下互譌。唐石經已如是。

陷人無府史

陷人下士四人。府二人。史二人。徒二十人。引之謹案。犬宰府六人。史十有二人。疏曰。陷人會醫之等。府史俱無者。以其專官行事。更無所須故也。據此。則陷人下無府二人。史二人。六字。此因上讎人下醫師。皆有府二人。史

二人之文而誤衍唐石經已然。

解止

掌舍鄭注曰舍行所解止之處釋文解佳賣反疏曰案其職云設車宮壇壝宮帷宮之等竝是解脫止息之處故云解止之處也引之謹案疏以解爲解脫非也解猶休也息也止也昭五年左傳敝邑休怠杜注曰休解也釋文解佳賣反解止者休止也管子五輔篇曰上彌殘苛而無解舍下愈覆鸞而不聽從吳子治兵篇曰馬疲人倦而無解舍解舍猶休止也官舍謂之解舍義亦同也解音佳賣反商子璽合篇曰漢書郊祀志曰奉尊之

也高其解舍是也今俗作廨

漢書郊祀志曰奉尊之

役休而復起繕治其張無解已時解已猶休已也五行志引京房易傳曰歸獄不解茲謂追非張晏曰解止也五行志又曰合朔在夜明旦日食而出出而解孟康曰夜食地中出而止也淮南原道篇曰解車休馬開元占經引石氏星經曰氏爲病宮休解房又引甘氏星經曰天牀寢舍解息燕休是解與休止同義音佳賣反故鄭曰行所解止之處或言解止或言解已或言解息或言解舍或言休解其義一也而字書韻書解字皆無休止之訓蓋古義之湮久矣

敘官有九嬪以下無三夫人

九嬪。鄭注曰。昏義曰。古者天子后立六宮三夫人九嬪。二十七世婦。八十一御妻。不列夫人於此官者。夫人之於后。猶三公之於王。坐而論婦禮。無官職。引之謹案。此與昏義不同。昏義九嬪次於三夫人之下。此則有九嬪而無三夫人。非有其人而不列於此也。內宰以陰禮教六宮。以陰禮教九嬪。以婦職之禮教九御。大祭祀。正后之服位。而詔其禮樂之儀贊九嬪之禮事。內小臣詔后之禮事。相九嬪之禮事。內司服凡祭祀賓客。其后之衣服。及九嬪世婦追師掌王后之首服。爲九嬪及外內命婦之首服。皆但言九嬪而不及三夫人。若有其人。則祭

祀賓客喪紀皆當從后而與其事。何以獨無夫人之禮事乎？夫人亦當有服。何以其后與九嬪世婦之衣服而不及夫人乎？然則周禮無三夫人明矣。周語內官不過九御。魯語日入監九御。使潔奉禘郊之粢盛。韋注竝云九御九嬪。月令后妃帥九嬪御。乃禮天子所御。此無三但云帥九嬪。鄭注謂天子有夫人有嬪有世婦有女御。獨云帥九嬪舉中言也。失之。高誘注呂氏春秋仲春紀分后妃爲二。以妃爲夫人。尤誤。皆言九嬪而不及夫人。與周禮合。蓋三夫人之有無。經傳所言各異。解者各如其本書以說之可矣。必欲合以爲一。則治絲而棼之也。鄭君於此云夫人坐而論婦禮。於內宰職云六宮之人。夫人以下分居

后之六宮者於九嬪職云。三夫人當一夕。皆牽合昏義。三夫人之文與周禮不合。

幣餘之賦 受其幣 職幣 凡用邦財者之幣

大宰之職以九賦斂財賄。九曰幣餘之賦。鄭司農云。幣餘。百工之餘。大府幣餘之賦以待賜予。鄭司農又云。幣餘。使者有餘來還也。二說不同。後鄭則以爲占賣國中。之斥幣。疏曰。幣餘之賦。謂爲國營造用物有餘。竝歸之於職幣。得之不入府藏。則有人取之。爲官出泉。謂之幣餘之賦。斥幣。謂此物不入大府。指斥出而賣之。故名斥。

幣又司賁以敘其財受其幣使入于職幣後鄭云亦受錄餘幣而爲之簿書使之入于職幣幣物當以時用之久藏將朽蠹家大人曰幣餘之幣非幣帛也用之不盡則有餘凡物皆然不獨幣帛而已幣當讀爲敝說文敝敝也。一曰敗衣從支困困敗衣也象衣敗之形急就章此敝囊橐不直錢顏注曰牝者縗殘之帛也敝敗衣也是敝爲衣敗殘之名殘則餘矣因而凡物之殘者皆謂之敝餘今時營造用物有餘價賣以還官謂之回殘是也職幣職曰掌式灋以敘官府都鄙與凡用邦財者之幣振墜重者之餘財後鄭曰幣謂給公用之餘是餘財

謂之幣較然甚明。職幣主餘財之官也。職主也。幣餘也。

所主者財物之餘。

外府其其財用之幣齋。後鄭曰。齋行道之財用也。然則幣齋即財用之餘。

故次於大府以下諸官之後也。敝凡用邦財者之幣。謂

收用邦財者之餘也。司書敘其財受其幣使人于職幣。

謂受其餘財使入于主餘財之官。泉府歲終則會其出

入而納其餘。後鄭曰。納入也。入餘於職幣是也。古敝字

多通作幣。魯語不腆先君之幣器。

宋明道本如是。宋庠補音作樊。今本改作

敝。即敝器也。管子輕重甲篇。靡幣之川。輕重乙篇。器以

時靡幣。即靡敝也。孔宙碑。彫幣。即彫敝也。皇象碑。本急

就章。牝幣。即牝敝也。字或作樊。管子小匡篇。戎車待游

車之弊戎士待臣妾之餘趙策趙以七敗之餘收破軍

之弊今本餘下有眾字。弊下有守字。皆後人所加。辨見讀書雜誌。弊亦餘也。合言之

則曰弊餘耳。先鄭前一說以幣餘爲百工之餘。差爲近

之後一說謂使者有餘來還則誤以爲幣帛之餘矣。後

鄭云幣謂給公用之餘已得其義。而又云占賣國中之

斥幣餘幣當以時用之。久藏將朽蠹則亦誤以爲幣帛

之幣。豈知幣爲敝之假借。讀當如其本字乎。

嬪貢 其貢嬪物

以九貢致邦國之用。一曰祀貢。二曰殯貢。鄭注曰。殯故

書作賓。鄭司農云。祀貢犧牲包茅之屬。賓貢皮帛之屬。

元謂嬪貢絲枲。疏曰。此九貢皆是諸侯賓之所貢。不得特以一事爲賓貢。賓貢者非也。句首當有作字若云嬪貢謂絲

枲。堪爲婦人所作。是也。引之謹案。祀與賓相對爲文。其爲賓客之事。明甚。上文以九式均節財用。一曰祭祀之式。二曰賓客之式。地官鄉師。間共祭器。州共賓器。是其例也。祀貢以供王祭祀之事。賓貢以供王賓客之事。非謂諸侯來賓而貢之。因謂之賓貢也。賈疏不達先鄭之意。而臆爲之解。非是。賓。本字也。嬪。偕字也。讀當如其本字。不當依偕字爲解。若謂嬪婦。化治絲枲。因謂絲枲爲嬪貢。則下文服貢。亦嬪婦所爲。何以不謂之嬪貢乎。材

貢節化於百工不聞謂之工貢貨貢阜通於商賈不聞
謂之商貢也當以先鄭之說爲長又案秋官大行人侯
服其貢祀物甸服其貢嬪物嬪亦當讀爲賓祀物祭祀
之事所用之物賓物賓客之事所用之物也故書作嬪
物嬪卽賓之偕字漢書司馬相如傳仁嬪并閭顏注曰
仁嬪賓根也嬪字或作賓說文曰嬪水厓人所賓附是
嬪與賓同聲而通用也鄭司農乃誤讀嬪物爲嬪物以
爲嬪物婦人所爲物後鄭因以絲枲當之豈知大行人
之其貢嬪物卽大宰之賓貢乎

和布

正月之吉始和布治于邦國都鄙鄭注曰凡治有故言

始和者若改造云爾引之謹案改造不得稱和和當讀

為宣始和布治于邦國都鄙九字為一句和布者宣布

也小司寇職曰正歲帥其屬而觀刑象乃宣布于四方

布憲職曰正月之吉執旌節以宣布于四方正與此同

月令命相布德和令和亦當讀為宣謂布其德教宣其

禁令也詳見布德和令下以六書之例求之宣桓皆以宣為聲

宣之為和猶桓之為和也桓弓曹桓公卒於會鄭注曰曹伯廬諡宣言桓聲之誤也

魏策魏桓子韓子說林篇作魏宣子禹貢和夷底績鄭注讀和為桓如淳

注漢書酷吏傳曰大板貫柱四出名曰桓表陳宋之俗

言桓聲如和。今猶謂之和表是其例矣。凡大司徒大司馬大司寇言始和布者。準此。

具脩

祀五帝則掌百官之誓戒與其具脩。鄭注曰。脩埽除糞洒引之謹案。典祀職云。掌外祀之兆。守若以時祭祀則帥其屬而脩除。是祀五帝之兆。典祀已脩除之矣。非大宰事也。脩當讀爲羞。宰夫以式瀡掌祭祀之戒具。與其薦羞世婦。及祭之日。蒞陳女宮之具。凡內羞之物。合言之則曰具羞耳。祀五帝言羞者。大司徒曰。祀五帝則奉牛牲。羞其肆。是也。脩與羞古字通。錢氏養新錄曰。鄉飲

酒禮乃羞。無算爵。鄉飲酒義作修爵無數。偕修爲羞。正
與此同修。卽脩也。

斂弛

小宰之職。斂弛之聯事。鄭注曰。杜子春弛讀爲施。元謂
荒政弛力役。及國中貴者賢者服公事者老者疾者皆
舍。不以力役之事。疏曰。杜子春弛讀爲施者。若依施。施
是施專。疑惠字之譌事不必連。若爲弛。則於事廣矣。故後鄭
不從之。引之謹案。弛舍與賦斂意義不倫。無由並舉。當
以讀施爲是。斂者聚也。施者散也。或先施而後斂。或先
斂而後施。地官旅師。掌聚野之勑粟。屋粟。閒粟而用之。

以質劑致民平頒其興積施其惠散其利而均其政令
凡用粟春頒而秋斂之鄭注曰因時施之饒時收之此
先施而後斂也司稼掌巡邦野之稼以年之上下出斂
灋掌均萬民之會而明其急倉人掌粟入之藏有餘則
藏之以待凶而頒之此先斂而後施也又鄉師以歲時
巡國及野而賜萬民之醵隄以王命施惠司救凡歲時
有天患民病則以節巡國中及郊野而以王命施惠遺
人掌邦之委積以待施惠鄉里之委積以恤民之醵隄
門閭之委積以養老孤則掌施惠之事者非一官故曰
斂施之聯事也

贊家宰受歲會

月終則以官府之敘受羣吏之要贊冢宰受歲會歲終則令羣吏致事引之謹案贊冢宰受歲會當在歲終則令羣吏致事之下。寫者錯亂耳。宰夫職曰歲終則令羣吏正歲會月終則令正月要大宰職曰歲終則令百官府各正其治受其會聽其致事。是冢宰受歲會在歲終也。小宰贊之亦當在此時不得次於月終之下。

一曰正 二曰師

宰夫之職掌百官府之徵令辨其八職。一曰正。掌官灋以治。且以治要。二曰師。掌官成以治。凡三曰司。掌官灋以治。且

四曰旅掌官常以治數。鄭注曰：正辟於治官，則冢宰也。師辟小宰，宰夫也。司辟上士中士也。旅辟下士也。引之謹案：宰夫掌敘羣吏之治正也。師也司也。旅也皆羣吏之待徵令者，正非必六官之長，師非必六官之貳。與大宰職所云建其正立其貳者不同。彼專指六官之長與貳，此則汎指百官府言之。謂百官府各有正師司旅，故不曰掌六官之徵令，而曰百官府也。請以五證明之。大射儀有小臣正小臣師。鄭彼注曰：小臣師，正之佐也。正長也。又有僕人正僕人師。注曰：僕人正僕人之長師。其佐也。又有司馬正司馬師。注曰：司馬正，政官之屬師。正

之佐也。彼文正與師相因。正非六官之長。師亦非六官之貳也。其證一也。成十八年左傳說。晉悼公命百官有卿。有公族大夫。有大傅。有司空。有六官之長。中軍有尉。有佐。有司馬。有候奄。上軍有尉。有司馬。校正屬御戎。司士屬右。六騶屬乘馬御。而統言之曰。師不陵正。旅不偏師。則所謂正者。非專指六官之長而言。如中軍尉。其下有佐。有司馬。上軍尉。其下有司馬。則尉即是正。御戎乘馬御及右。各有其屬。則皆正也。屬於正者。卽師旅也。杜

正。軍將命卿也。師二千五百人之帥也。旅五百人之帥也。皆失之。其證二也。襄二十五年傳曰。六正五吏三十帥。三軍之大夫百官之正長師

旅。六正已是六卿。則正長非卿可知。故杜注曰。百官正

長。羣有司也。正長爲有司。則師旅可知。

杜注。師旅。小其將帥也。失之。

證三也。周語。稷徧戒百姓。紀農協功。乃命其旅曰。徧農

師一之。農正再之。后稷三之。韋注曰。一之。先往也。農師

上士也。農正。后稷之佐田畯也。故次農師。后稷農官之

君也。故次農正。然則農正之位。卑於后稷。其非命卿可

知。農師又卑於農正。其旅又卑於農師。其證四也。周語

又曰。至於王夷。則皆官正蒞事。上卿監之。是官正非上

卿也。楚語曰。天子之貴也。唯其以公侯爲官正。而以伯

子男爲師旅。言公侯伯子男。譬若百官之正長。師旅爲

天子之羣吏也

韋注師旅曰師。師旅也。失之。

其證五也多方曰越惟

有胥伯小大多正然則正固有小者王制史以獄成告

於正鄭彼注曰正於周鄉師之屬左傳有卜正

隱十一年工

正

莊二十二年。

候正

成二年。

校正

成十八年。

隧正

襄七年。

四鄉正

襄九年。

馬正

襄二十三年。

陶正

襄二十五年。

令正

襄二十六年。

五工正

九

農正

昭十七年。

賈正

昭二十五年。

車正

定元年。

牧正

哀元年。

庖正

是官

之小者亦得名爲正也周官以正名者黨正但爲下大

夫鄉大夫職謂之羣吏其他宮正酒正則以士爲之推

而至於百官府皆各有正故酒誥稱庶士有正大雅稱

鞠哉庶正不必六官之長而後爲正也師則屬於正者

故左傳曰師不陟正祭法曰適士二廟官師一廟鄭彼注曰官師中士下士不必六官之貳而後爲師也互見後師不陟正下

歲終

歲終則令羣吏正歲會鄭注曰歲終自周季冬疏曰知歲終是周之季冬者以其正月之吉始和彼正月是周之正月始和布於天下至今歲終考之是一歲之終故知非夏之歲終也引之謹案歲終與正歲相應正歲爲夏之孟春鄭注小宰云正歲謂夏之正月則歲終爲夏之季冬不得以爲周之季冬也請以四證明之內宰職曰歲終則會內

人之稍食。稽其功事。正歲均其稍食。施其功事。歲終是夏之十二月。正歲是夏之正月。言歲終與正歲而一歲盡於此矣。故正歲則曰均。曰施。言其始也。歲終則曰會。曰稽。言其終也。若謂歲終爲周之季冬。則是夏之孟冬矣。孟冬以後尚有兩月。豈得遽會其稍食。稽其功事乎。此一證也。眠禋職曰。肇安宅敘降。正歲則行事。歲終則獎其事。上言正歲。下言歲終。明正歲是夏之正月。歲終是夏之十二月。正歲行事。歲終獎之。而一歲全矣。若謂歲終爲周之季冬。則甫及夏之十月。十月以後尚有兩月。豈得十月遽獎其事乎。此二證也。小司寇職曰。孟冬。

祀司民獻民數於王。此夏之孟冬也。周官所言春夏秋

周之孟春也。則日南至當言春日。至。僖五年左傳春王

正月辛亥朔日南至是也。夏之中夏。周之孟秋也。則日

北至當言秋日至。而大司樂云。冬至。夏至。夏日至。是用夏

時也。他若內宰。中春。詔后帥外內命婦始蠶于北郊。上

春。詔王后帥六宮之人而生種。桂之種。媒氏。中春之月

令會男女。山虞。仲冬。斬陽木。仲夏。斬陰木。天府。上春。豐

寶。鎮及寶器。季冬。陳玉以貞。來歲之蠶。惡。烝人。上春。相

筮。占。夢。季冬。聘。王。夢。大司馬。中春。教振旅。中夏。教芟舍

中秋。教治兵。中冬。教大閱。司寇。季春。出火。季秋。內火。羅

氏。中春。羅春鳥。牧師。孟春。焚牧。中春。通淫。司烜氏。中春

以木鐸脩火禁。王拜受之。以圖國用。而進退之。歲終。則

于國中皆是也。

令羣士計獄。弊訟。登中于天府。正歲。帥其屬而觀刑象。

歲終在孟冬。正歲之閒。則爲夏之季冬。明矣。若謂歲終

爲周之季冬。夏之孟冬。則孟冬祀司民。已是夏之孟冬。

何得又以歲終爲孟冬乎。此三證也。小宰歲終則令羣吏致事。正歲帥治官之屬而觀治象之灋。大司徒歲終則令教官正治而致事。鄭注云歲終自周季冬也。誤與宰夫注同。正歲令于教官曰。各共爾職脩乃事以聽王命。小司徒歲終則攷其屬官之治成而誅賞。令羣吏正要會而致事。正歲則帥其屬而觀教灋之象。鄉師歲終則攷六鄉之治以詔廢置。正歲稽其鄉器。鄉大夫歲終則令六鄉之吏皆會政致事。正歲令羣吏攷灋于司徒。州長歲終則會其州之政教。正歲則讀教灋如初。黨正歲終則會其黨政。帥其吏而致事。正歲屬民讀灋。遂大夫令爲邑者歲終則

會政致事。正歲。簡稼器。脩稼政。士師歲終。則令正。要會。正歲。帥其屬而憲禁令于國。皆先言歲終。後言正歲。蓋周以建子之月爲正月。其二月則建丑之月。而夏之歲終。其三月則建寅之月。而夏之正歲也。故正歲歲終。用夏時之名。而先歲終。而後正歲。則周月之次序也。若謂歲終爲周之季冬。建亥之月。則爲周月之最後者矣。何以先言歲終。後言正歲乎。此四證也。歲終與夏之正歲。爲終始。豈與周之正月爲終始乎。

行其秩敘 令作秩敘

宮伯掌其政令。行其秩敘。作其徒役之事。鄭注曰。秩。祿。

稟也。敘才等也。疏曰。秩謂依班次受祿。敘者才藝高下爲次第。引之謹案。秩敘謂士庶子更番宿衛之次第。一月之次謂之秩。一歲之次謂之敘。故下文月終則均秩。歲終則均敘。均者齊其勞逸。行者巡其先後也。地官里宰以歲時合耦于耜以治稼穡。趨其耨耨。行其秩敘。鄭彼注曰。秩敘受耦相佐助之次第。與此行其秩敘正同。義不得以爲祿稟才等也。又鄉師凡邦事令作秩敘。亦謂役邦事之人。鄉師爲之次第而頒之。使各以其次服役。豈有祿稟與才等乎。秩與敘同意。廣雅。秩次也。又秩序也。彼注訓敘爲次是也。訓秩爲常則非也。

膳用六牲 鴈宜麥 大夫執鴈

膳夫。凡王之饋。會用六穀。膳用六牲。鄭注曰。六牲。馬牛
羊豕犬雞也。鄭司農云。六穀。稌黍稷粱麥苽也。引之謹
案。此六牲與牧人不同。牧人之六牲。謂馬牛羊豕犬雞
此六牲。則牛羊豕犬鴈魚也。蓋膳夫之會。飲膳羞與會
醫之六會。六飲六膳百羞相應。會醫職曰。凡會膳會之
宜。會當音同。膳會謂六膳
大會也。釋文缺音失之。牛宜稌。羊宜黍。豕宜稷。犬宜
粱。鴈宜麥。魚宜苽。牛羊豕犬鴈魚。所謂六膳也。稌黍稷
粱麥苽。所謂六會也。鄭司農以稌黍稷粱麥苽爲六穀。
其說洵不可易。由是推之。則牛羊豕犬鴈魚亦膳夫之

六牲明矣。鴈，謂鵠也。爾雅：舒鴈，鵠。李巡注曰：野曰鴈，家
 曰鵠。對文則鵠與鴈異，散文則鵠亦謂之鴈。方言：鴈，自
 關而東謂之鵠，鵠，南楚之外謂之鵠。說文：鵠，鴈也。鴈，鵠
 也。莊子：山木篇，命豎子殺鴈而亨之，謂殺鵠也。齊策：士
 三食不得厭，而君鵠鵠有餘食。韓詩外傳及說苑尊賢
 篇，竝作鴈。鵠有餘粟。晏子春秋外篇亦曰：君之鵠鵠食
 以教粟。此鵠謂鴈也。廣雅：鵠，鵠也。鵠與鴈同。墨子雜守篇曰：寇至先殺
 牛羊雞狗鵠鴈。今本鵠鵠作鳥。說苑臣術篇：秦穆公悅百里奚之言。公孫支歸取鴈以賀。鵠是常畜之物，故漢書霍方
 進傳：有狗從外入齧其中庭羣鴈數十，皆謂鵠為鴈也。

堯典二生

太平御覽禮儀部十六十八羽族部四並引作二牲案牲本字也生借字也論語鄉黨篇

君賜生魯讀生爲牲是也

一死贄馬融以二生爲羔鴈

見史記五帝紀集解

則臠也。史記封禪書漢書郊祀志並作二牲。蓋羔與臠皆常畜之物。故謂之牲也。魚亦可畜之池。故亦謂之牲。大司馬大祭祀饗會。羞牲魚。鄭司農曰。犬司馬主進魚牲。昏義曰。殺成祭之牲用魚。管子禁藏篇曰。舉春祭。塞久禱。以魚爲牲。輕重已篇曰。祭曰犧牲。以魚是也。牛宜稌。羊宜黍。豕宜稷。犬宜粱。鴈宜麥。魚宜苽。猶月令會麥與羊。會菽與雞。會稷與牛。會麻與犬。會黍與彘。皆以牲配穀耳。鄭未考會醫之文。故說之未確。王制曰。庶人春

薦韭夏薦麥秋薦黍冬薦稻韭以卵麥以魚黍以豚稻以鴈鴈亦謂鴈也。

大宗伯以禽作六摯以等諸臣孤執皮帛卿執羔大夫執鴈士執雉庶人執鷩工商執雞鄭注曰鴈取其候時而行引之謹案鄭蓋以鴻鴈釋之鴻鴈春去秋來故曰候時也其實入夫所執之鴈直謂鴈耳古者謂鴈爲鴈故膳夫六牲有鴈說見上堯典二牲一死鷩馬注曰二牲羔鴈卿大夫所執一死雉士所執見五帝紀集解若非常畜之鴈不得謂之牲也羔鴈皆常畜之物而雉則野物不畜於人得之則死故曰一死若以鴈爲鴻鴈則中於鴈

數於綱罟與雉皆爲死物。書何以獨謂雉爲一死乎。且鴻鴈孟春北去。仲秋始來。中間數月無鴈之時。大夫將何以爲贄乎。然則謂大夫執鴻鴈非事實也。自董仲舒春秋繁露始以鴈爲鴻鴈。執贄篇曰。大夫用鴈。鴈乃有類于長者。在民上。必施然有先後之隨。必倣然有行列之治。而說苑白虎通因之。說苑脩文篇曰。大夫以鴈爲贄。鴈者行列有長幼之禮。故大夫以爲贄。白虎通曰。則其誤久大夫以鴈爲贄者。取其飛成行。止成列也。矣。蓋執贄之禮。漢世已廢。故不知大夫所執之鴈爲鵀。而以爲鴻鴈也。不然。則在野之鴈。或曰鴈。或曰鴻。或曰鴻鴈。或曰候鴈。稱名至無定矣。而執贄之禮。何以經傳皆言執鴈。絕無言執鴻者乎。以是言之。殆非鴻鴈。

賓客會

凡王祭祀賓客會則徹王之胾俎。鄭注曰。賓客會而王有胾俎。王與賓客禮會。主人飲會之俎皆爲胾俎。見於此矣。引之謹案賓客會三字。文不成義。會上蓋脫饗字。謂賓客之饗會也。外饗。掌外祭祀之割烹。共其脯脩刑臠。陳其鼎俎。實之牲體魚膾。凡賓客之飧饗饗會之事亦如之。春官世婦。掌女宮之宿戒及祭祀。比其具。詔王后之禮事。帥六宮之人共齎盛。相外內宗之禮事。大賓客之饗會亦如之。內宗。掌宗廟之祭祀。薦加豆籩。及以樂徹。則佐傳豆籩。賓客之饗會亦如之。旌人祭祀則鼓

羽籥之舞賓客饗食則亦如之夏官小臣小祭祀賓客饗食掌事如大僕之瀆皆其證矣。

肉物

內饗辨體名肉物鄭注曰體名脊脅肩臂臠之屬肉物載燔之屬引之謹案載燔乃割烹煎和之異名非肉所本有之名物也與體名爲牲所本有者義例參差殆非經意今案肉物蓋若大雅行葦篇之嘉殽脾臠毛傳曰臠函也說文曰少牢饋食禮之腸三胃三舉肺一祭肺三倫膚函谷也九鄭注曰膚畜革肉及心舌載于所俎賓長羞牢肝之屬凡無骨者皆是。

選百羞醬物珍物 撰車徒

選百羞醬物珍物以俟饋。鄭注曰：先進食之時，恆選擇其中御者。犬司馬羣吏撰車徒。注曰：撰，讀曰算，算車徒謂數擇之也。引之謹案：選撰，竝讀曰撰。說文曰：撰，具也。又曰：巽，具也。巽與撰古同聲。選百羞醬物珍物者，具百羞醬物珍物也。文王世子曰：養老之珍具是也。撰車徒者，具車徒也。廣雅：撰，具也。隱元年左傳：繕甲兵，具卒乘。杜注曰：步曰卒，車曰乘。具卒乘，卽所謂撰車徒也。襄二十七年傳：晉梁帶使諸甕邑者，具車徒以受地。必周使易餘具，車徒以受封，是也。珍羞與車徒恐其不備而具。

之故皆謂之饌。

饌亨煮

亨人職外內饗之饌亨煮家大人曰煮卽亨也。旣言亨則無庸更言煮。案鄭注云。饌今之竈主於其竈煮物疏云主外內饗饌竈亨煮之事皆是以竈釋饌以煮釋亨而經文原無竈煮二字也。唐石經有煮字卽涉注文而衍而各本遂沿其誤。詩楚茨及左傳桓十四年正義引此有煮字疑亦後人依唐石經加之。瓠葉正義云天官亨人掌外內饗之饌亨。句煮物之名。句正義以煮釋亨則經文之有亨無煮甚明。故知他篇引此有煮字者後

人所加也。大宰及少宰饋食疏引此皆作職外內饗之
饗亨。無煮字。特牲饋食疏云。周禮亨人其職主饗亨之
事以供外內饗亦無煮字。

疒瘍者

醫師。凡邦之有疾病者疒瘍者。造焉。唐石經疒瘍者作
有疒瘍者。惠校云。宋王與之周禮訂義有有字。宋本注
疏無。石經考文提要云。案下獸醫凡獸之有病者有傷
者亦疊有字。今從唐石經。家大人曰。太平御覽疾病部
一引此亦疊有字。

掌冰正歲十有二月

凌人掌冰。正歲十有二月。令斬冰。鄭注曰。正歲季冬。大星中。大寒。冰方盛之時。故書正爲政。鄭司農云。掌冰。政主藏冰之政也。杜子春讀掌冰爲主冰也。政當爲正。正謂夏正。段氏若膺周禮漢讀考曰。攷周禮全書言正歲者。皆謂寅月。言歲終歲十有二月者。皆謂丑月。凡言歲者。皆謂夏正也。言歲十有二月。則爲夏正已顯明。不必加正字。以混於全書內之謂寅月者。司農從故書掌冰。政爲長。引之謹案。段說是也。爾雅曰。正長也。建寅之月。爲一歲十二月之長。故謂之正歲。猶月之朔日爲一月三十日之始。而稱朔月也。若建丑之十二月。則當謂之

歲終何得謂之正歲乎。鄭釋小宰正歲命名之義。不明其爲一歲之長。而但以爲得四時之正。於是寅月之名。正歲其義不明。而夏時十二月。遂若皆得四時之正。而可以蒙正歲之稱。此凌人掌冰正歲十有二月之所以誤讀也。

孤

掌次孤卿有邦事。則張幕設案。鄭注曰。孤。王之孤。三人副三公論道者。引之謹案。漢書百官公卿表曰。大師大傅大保是爲三公。又立三少爲之副。少師少傅少保是爲孤卿。與六卿爲九。是鄭注所本也。今案三少出大

戴禮記保傅篇保傅篇曰於是爲置三少皆上大夫也
曰少保少傅少師是與天子宴者也未嘗以爲周禮之
孤周禮言三公者皆著其數曰三若孤實有三人則亦
當著其數曰三孤矣乃通考全經言孤者凡二十有一
掌次孤卿有邦事則張幕設案又曰凡巷王則張帟三
重諸侯再重孤卿大夫不重春官大宗伯孤執皮帛典
命公之孤四命司服孤之服自希冕而下如子男之服
卿大夫之服自元冕而下如孤之服內史凡命諸侯及
孤卿大夫則策命之巾車孤乘夏篆司常孤卿建旌夏
官射人掌國之三公孤卿大夫之位孤東面其執孤執
皮帛又曰孤卿大夫以三耦射一侯又曰祭祀則相孤
卿大夫之瀡儀司土正朝儀之位孤東面北上孤卿特
指大僕掌三公孤卿之弓勞又曰王不眡朝則辭於三
公及孤卿小臣掌三公及孤卿之復逆并師諸侯及孤
卿大夫之冕各以其等爲之秋官朝士掌
達邦外朝之灋左九棘孤卿大夫位焉皆但謂之孤

無言三孤者。則孤之數必非三人。未可以係傳篇之三

少當之也。且六卿之外。若又有孤三人。則其數九。經當

總謂之九卿矣。及考全經。六官之長皆卿一人。

春官敘官。世婦

每官卿二人。疏曰。賈馬皆

其他言六卿者。凡四。

宰夫。掌治朝之

云。奄卿也。不在六卿之列。濬以正王及三公六卿大夫羣吏之位。春官司服。王為三公六卿錫衰。秋官鄉士。三公若有邦事。則為之前驅。而辟。又曰。若欲免之。則王命三公會其期。縣士若欲免之。則王命六卿會其期。絕無言九卿者。

則卿之數實止六人。豈當有孤三人。合而為九者乎。地

官敘官。鄉老。二鄉則公一人。鄉大夫。每鄉卿一人。

止六卿兼

鄉大夫也。與夏官敘官。軍將皆命卿正合。賈公彥周禮廢典引賈達云。六卿大夫。則冢宰以王是也。疏謂非六官典兼卿大夫失之。六卿則三公六卿矣。若六卿之外。又有孤三

人則當有所主之鄉。何以敘官但言三公六卿掌六卿而不及三孤乎。尋檢前後經文。孤之爲官蓋卽在六卿之內而非別有三人。故經但言六卿而無九卿之文。六卿分掌六鄉。孤已在其中矣。故不別言孤所主之鄉也。再以幕人典命掌客考之。幕人三公及卿大夫之壻。其帑典命王之三公八命。其卿六命。掌客從者三公。上公之禮。卿眡侯伯之禮。皆言三公而不言孤。孤已在卿之內故也。經凡以孤卿並言者皆不著卿之人數。見上以卿與三公對言則曰六卿而不言孤。見上豈非以孤在六卿之內則不得於孤之外更數六卿亦不得於

六卿之外更言孤乎。蓋六卿中有秉國政者其位獨尊

故謂之孤。孤者獨也。譬之大國之卿。晉士會受黻冕之

命而將中軍。

宣十六年左傳

宋樂喜為司城以為政

襄九年傳

位在

六卿之列而又獨尊也。邈周書大匡篇王乃召冢卿三

老三吏大夫百執事之人朝于大庭。孔晁注曰冢卿孤

卿蓋冢大也。

見兩

六卿之中孤為大故曰冢卿也。

穆天子傳

百辟冢卿冢卿亦孤也。郭注以為冢宰失之。昭四年左

傳叔孫季杜洩將以路葬南遺謂季孫曰冢卿無路介

即以為葬不亦左乎。杜注曰冢卿謂季孫介次也。則季孫

為冢卿。孟孫叔孫為介卿可知。季孫秉國政故謂之冢

卿也。其位在六卿之首其數則一人而已不得有三也。保

傳篇之三少與孤何涉乎。目班氏作表誤以三少為孫

而康成沿襲之。於是東晉古文尚書竊其說以入周官。
曰少師少傅少保曰三孤。而孤之爲官遂失其本義矣。
又案以周禮之孤爲三人。其誤始於新莽。漢書王莽傳
曰置大司馬司允。大司徒司直。大司空司若。位皆孤卿。
更名大司農曰羲和。大理曰作士。大常曰秩宗。大鴻臚
曰典樂。少府曰共工。水衡都尉曰予虞。與三公司卿凡
九卿。分屬三公。蓋莽建立周禮。見經典釋文敘錄見周禮屢言
三公孤卿。則妄以孤爲三公之佐。而置三公司卿以放
效之。至班氏作表。又以大師大傅大保爲三公。而少師
少傅少保爲孤卿。官名雖異。而以孤爲三人。分屬三公。

則沿新莽之誤。學者詳考經文以正其失可也。

巾絮

玉府掌王之燕衣服。鄭注曰。燕衣服者。巾絮。寢衣袍襍之屬。家大人曰。絮與帑通。帑亦巾也。說文帑巾帑也。巾帑卽巾絮也。方言。幪巾也。大巾謂之帑。嵩嶽之南陳穎之閒謂之帑。郭璞音奴豬反。漢書周勃傳。太后以冒絮提文帝。應劭注曰。陌額絮也。晉灼曰。巴蜀異物志謂頭上巾爲冒絮。說苑正諫篇。吳王蒙絮覆面而自刎。謂以巾絮覆面也。亦通作絮。風俗通義怪神篇。以絮巾結兩足幪冠之。是也。疏以絮爲纁。失之。釋文不爲絮字作音。

史記周勃世家索隱顏師古漢書注亦然蓋皆誤以爲絲絮之絮矣。

凡王之獻

若合諸侯則共珠槃玉敦。凡王之獻金玉兵器文織良貨賄之物受而藏之。鄭注曰謂百工爲王所作可以獻遺諸侯。古者致物於人尊之則曰獻。疏曰知此王之獻金玉非是獻金玉於王者。案下內府職凡四方之幣獻之金玉。彼是諸侯獻王。入內府藏之不得在此。故知金玉是獻遺諸侯者也。引之謹案。王之二字因下文凡王之好賜而衍。當爲凡獻金玉兵器文織良貨賄之物受

而藏之。獻者獻於王也。諸侯獻金玉兵器文織良貨賄之物於王。則王府爲王受而藏之。若魯僖公納玉於王。十穀之類是也。膳夫。凡祭祀之致福者。受而膳之。典絲及獻功。則受良功而藏之。典臬及獻功。受苦功。以其賈揭而藏之。文義竝與此同。若謂王獻諸侯之物。則受而藏之者。當在諸侯。不得在王府矣。且何以別於下文。凡王之好賜乎。內府。凡適四方使者。共其所受之物而奉之。鄭彼注曰。王所以遺諸侯者。彼爲王遺諸侯之物。故曰共曰奉。此爲諸侯獻王之物。故曰受曰藏。不可比而同之也。至內府。凡四方之幣獻之金玉齒革兵器。凡良

貨賄入焉。與此相同。所謂官聯也。若謂內府所掌王府不應與之同。則內府掌共王及冢宰之好賜予。王府何以亦共王之好賜乎。殆失之矣。況王賜諸侯。謂之獻。遍考諸書。皆無確證乎。

凡上之用財用

司書凡上之用財用。必放于司會。鄭注曰。司會以九式均節邦之財用。引之謹案。經兩用字。複出。文不成義。下用字。蓋因注而衍。賈疏曰。此經上之用財。必考於司會者。此之所考。但知多少。而闕之非是。會計與王爲限。云司會以九式均節邦之財用者。欲見司書用財。必考於

司會之意。據此則注文作財用。經文則作用財。不得云用財用也。唐石經始誤衍。敘官疏引作凡上之用財用。蓋後人據誤本經文增下用字。非賈氏原文。

民之財

三歲則大計羣吏之治。以知民之財。器械之數。以知田野夫家六畜之數。以知山林川澤之數。引之謹案賈疏釋經曰。以知民之財。用器械之數者。民之財用。謂幣帛多少。則所據經文財下有用作字。財用器械相對爲文。與田野夫家六畜山林川澤文義亦相稱也。唐石經始脫用作字。

振掌事者之餘財

職幣掌式灋以斂官府都鄙與凡用邦財者之幣振掌
事者之餘財鄭注曰振猶拊也檢也先言斂幣後言振
財互之家大人曰經言斂言振注言拊言檢皆謂收取
之也中庸振河海而不泄鄭注曰振猶收也

張揖注上林賦同。

孟子萬章篇曰金聲而玉振之也廣雅曰收斂拊取也
又曰拊收也孟子梁惠王篇狗彘食人食而不知檢趙
岐注曰檢斂也漢書食貨志贊引孟子作不知斂斂亦
收也振拊檢斂四字同義故云振猶拊也檢也上言斂
幣而不言振財下言振財而不言斂幣者言幣則兼財

言財則兼幣互文耳故云先言斂幣後言振財互之賈

公彥不曉振字之義又不曉拊字檢字之義乃云以財

與之謂之拊

此誤以拊爲拊濟之拊

知其足剩謂之檢

此誤以檢爲檢察之

檢

又云凡用國家財物皆先振而後斂

此誤以振爲振濟之振

今

於上文直言斂不言振亦振之下言振財有餘亦斂之

可知故言互之也此不得其解而強爲之辭

以作二事

內宰以陰禮教六宮以陰禮教九嬪以婦職之灋教九

御使各有屬以作二事正其服禁其奇袤展其功績鄭

注曰故書二爲三杜子春云當爲二二事謂絲枲之事

引之謹案。故書作三是也。三事謂祭祀賓客喪紀之事。

祭祀賓客喪紀謂之三事。猶祭祀朝覲會同賓客軍旅。

田役喪荒。謂之七事也。見小宰下文云大祭祀贊九嬪之

禮事。凡賓客之裸獻瑤爵皆贊。凡喪事佐后使治外內。

命婦正其服位。曰祭祀。曰賓客。曰喪事。所謂三事也正。

其服位。所謂正其服也。舉喪事之正其服。則祭祀賓客。

可知。內司服辨外內命婦之服。鞠衣。展衣。緣衣。素沙。凡。

祭祀賓客。其后之衣服。及九嬪世婦。凡命婦。其其衣服。

其喪衰亦如之。追師掌王后之首服。爲副。編次。追衡。笄。

爲九嬪。及外內命婦之首服。以待祭祀賓客。喪紀。其笄。

經亦如之。蓋其服之正於三事者如此。故曰以作三事。正其服也。亦如夏官大僕祭祀賓客喪紀正王之服位矣。更以九嬪考之。九嬪掌婦學之灋。以教九御。各帥其屬。而以時御敘于王所。卽此所謂以婦職之灋教九御。使各有屬也。又云凡祭祀贊玉齎贊。后薦徹豆籩。若有賓客則從后。大喪卽敘哭者亦如之。卽此所謂作三事也。內小臣若有祭祀賓客喪紀。則擯詔后之禮事。相九嬪之禮事。正內人之禮事。內豎若有祭祀賓客喪紀。則爲內人蹕。內人謂女御也。鄭注內宰凡內人主謂九御。女御凡祭祀贊世婦。大喪掌沐浴。后之喪持鬻從世婦而弔于卿大

夫之喪。世婦堂祭祀賓客喪紀之事。卽女官而濯概爲
齋盛及祭之日。恠陳女宮之具。凡內羞之物。掌弔臨於
卿大夫之喪。皆指三事言之。然則九嬪九御之屬。並有
祭祀賓客喪紀之事矣。杜子春以女御歲時獻功事。與
典絲典枲之獻功相合。故改三爲二。而以爲絲枲之事
不知下文之展其功緒。乃指獻功事言之。若所謂以作
三事者。則爲祭祀賓客喪紀而非婦功也。

夏纁元

染人夏纁元。鄭注曰。故書纁作𦘒。鄭司農云。𦘒讀當爲
纁。纁。謂絳也。引之謹案。𦘒。黃黑色也。說文作𦘒。黑有文

也讀若飴登字。玉篇駮於勿於月二切。或作駮。廣韻駮黃黑色也。駮與窳同。又通作苑。淮南時則篇天子衣苑黃。高誘注曰。苑讀登飴之登。登道藏本寫作登則古人衣色亦有用窳黃者。急就篇曰。鬱金半見細白。顏師古注曰。鬱金。梁黃也。鬱與窳聲義正同。夏窳元者。豳風七月所謂載元載黃也。似不必改爲縹字。

故書綬爲纒

夏采掌大喪以冕服復于大祖。以乘車建綬復于四郊。鄭注曰。故書綬爲纒。杜子春云。當爲綬。纒非是也。釋文。纒。徐音遂。集韻以纒爲纒之或體。引之謹案。經本謂建

旛非謂建綬

說見金氏禮箋段氏周禮漢讀考

旛與旛同乘車建旛亦

如生時之道車載旛也從衣作旛者假借字耳鄭當依故書作旛而讀爲旛不當沿子春之誤徑改爲綬也旛得借用旛字者旛旛俱音遂故也旛爲旛之或體者古音遺與遂同地官遺人劉昌宗音遂小雅角弓篇莫肯下遺荀子非相篇遺作隧南山經旄山之尾其南有谷曰育遺遺或作隧白虎通義曰旛之爲言遺也是也故旛從遂聲作旛或從遺聲作旛亦猶九旗之旛或作旛也說文衣部有旛無旛者凡周禮古字爲杜子春改讀者說文多不載地官大司徒使之相賜杜子春改賜爲

糾而說文遂無𦣻字。春官籥章國祭蠃。故書蠃爲籥。今本

籥譌作蠃。辨見本條下。杜子春改籥爲蠃。而說文遂無籥字。占夢

二曰噩夢。杜子春改噩爲𦣻。而說文遂無噩字。夏官大

馭。右祭兩軹。故書軹爲軒。杜子春改軒爲軹。而說文遂

無軒字。皆是也。此輶爲杜子春所改。故亦不載。乃前賢

之疏漏。後人所當補正者也。輶爲輿之假借。而非譌字。

金氏禮箋謂輿譌爲輶。非是。

下士十有六人

地官敘官。司門下大夫二人。上士四人。中士八人。下士
十有六人。府二人。史四人。胥四人。徒四十人。每門下士

二人。府一人。史二人。徒四人。引之。謹案下云。每門下士二人。上又云。下士十有六人。若謂下士十有六人。卽每門下士之總數。則鄭注云。司門若今城門校尉主王城十二門。以每門下士二人計之。十二門當有下士二十四人。不得但言十有六人也。若謂下士十有六人在每門下士之外。則疏云。經有每門下士二人。據在門開閉者。此司門。鄭云。若今城門校尉。則是都司總監十二門官。案下大夫及上士中士。皆位尊於下士。故下士但分掌每門之開閉。而下大夫上士中士。則總監十二門。如云。下大夫上士中士之下。又有下士十六人。總監十

二門則其位與每門之下士相埒。何得居其上而總監之乎。下司關云。上士二人。中士四人。府二人。史四人。胥八人。徒八十人。每關下士二人。府一人。史二人。徒四人。彼文與此略同。而中士四人之下。不言下士人數。至每關始云下士二人。然則司門亦但云每門下士二人。而中士八人之下。無下士十有六人之文明矣。遍考五官敘官。凡上士中士下士之屬。一官之中無再見者。不得於每門下士二人之外。又言下士十有六人。蓋涉上文泉府上士四人。中士八人。下士十有六人而衍也。賈疏但云每門下士二人。據在門關閉者。而不及下士十有

六人與每門下士之同異。則所據本無下士十有六人之文。可知唐石經始誤衍。

樂禮

大司徒之職。以樂禮教和。則民不乖。家大人曰。樂下不當有禮字。蓋涉上祀禮陽禮陰禮而行疏云。樂亦云禮者。謂饗燕作樂之時。舞人周旋。皆合禮節。故樂亦云禮也。案經言教和。則民不乖。如賈說。則與教和之義無涉矣。且樂禮二字義不相屬。若經文果有禮字。則鄭必當有注。今鄭注釋陽禮陰禮。而不釋樂禮。則樂下本無禮字。可知以祀禮教和。以樂教和。其義皆人所共知。不煩

訓釋故鄭皆無注也。下文云以六樂防萬民之情而教之和。卽此所云以樂教和也不當有禮字明矣。自賈本衍禮字而開成石經以下皆沿其誤。鄭風緇衣正義引此作以樂教和則民不乖而釋之云樂謂五聲八音之樂。教之和睦則民不乖戾。據此則孔所見本無禮字。足正賈本之誤。周官正義引此有禮字與詩正鈔本北堂書鈔帝王部十設官部四字。陳禹謨本設官部增入禮字。而帝王部尚未增入。帖六十一引此皆無禮字。

與有地治者

凡萬民之不服教而有獄訟者。與有地治者聽而斷之。

鄭注曰有地治者謂鄉州及治都鄙者也鄭司農云與其地部界所屬吏共聽斷之家大人曰兩司農皆以與有地治者下屬爲句謂與治鄉州都鄙者共聽斷之始非也小司徒凡民訟以地比正之地訟以圖正之不言與治鄉也都鄙者共聽斷之也子謂有獄訟者與有地治者二句連讀凡言與某事者皆連上句爲義牟夫曰言其能者與其良者鄉師曰辨其可任者與其施舍者媒氏曰禁遷葬者與其嫁葬者司疏曰禁其鬪詬者與其疏亂者司稽曰察其犯禁者與其不物者逆人曰禁麇卵者與其毒矢射者士師曰禁逆軍旅者與犯師禁者司厲曰凡有罰者與七十者與未齒者夷隸曰其守王曰者與其守隸禁者脩閭氏曰禁徑治踰者與以兵革趨行者與馳騁於國中者皆其證與訟義相近有獄訟者有地治者皆指訟者言之非指

聽訟者言之下文聽而斷之乃謂聽訟者耳小司徒地
訟以圖正之鄭彼注云地訟爭疆界者卽此所謂有地
治者也訝士曰凡四方之有治於士者造焉亦謂訟於
士者也古謂訟理爲治訟或曰辭訟小宰曰聽其治訟
小司徒曰聽其辭訟司市曰聽大治大訟小治小訟胥
師曰聽其小治小訟而斷之僖二十八年公羊傳叔武
爲踐土之會治反衛侯何注曰叔武訟治於晉文公令
白王者反衛侯使還國也成十六年傳公子喜時外治
諸京師而免之注曰訟治于京師解免使來歸皆與此
治字同義

九比

小司徒之職掌建邦之教灋以稽國中及四郊都鄙之夫家九比之數以辨其貴賤老幼廢疾凡征役之施舍鄭注曰鄭司農云九比謂九夫爲井元謂九比者冢宰職出九賦者之人數也疏曰云之夫家九比之數者謂國中及四郊都鄙之內夫家男女九賦校比人民之數鄭司農云九比謂九夫爲井後鄭不從者以經掌國中及四郊卽是六鄉之內但鄉與公邑並爲溝洫無井田之法故後鄭不從元謂九比者冢宰職出九賦者之人數也者案大宰云九賦斂財助一曰邦中之賦二曰四

郊之賦。三曰邦甸之賦。四曰家稍之賦。五曰邦縣之賦。六曰邦都之賦。與此文國中四郊都鄙其事相當。故知此九比出九賦者之人數。引之謹案。所出之賦。與人數多寡無涉。九賦亦不得但謂之九。且國中惟出邦中之賦。四郊惟出四郊之賦。都鄙惟出邦甸之賦。家稍之賦。邦縣之賦。邦都之賦。不得有九也。況下文始云乃頒比漙于六鄉之大夫。何得於此遽言比乎。江氏慎修周禮疑義舉要曰。比者簡閭校計之意。九比者。夫家一。人民二。田三。萊四。畜五。車六。輦七。稼器八。兵器九。夫家爲九比之首。八者皆夫家之所有。故云夫家九比之數。案下文始言比漙。不得亂其次序。六畜車輦辨其物亦在下文。此則辨其貴賤老幼廢疾征役之施舍。但計人不計物也。江說非。九比疑當爲人民之譌。隸書

人字或作几。

漢夏承碑。含和履仁之仁作几。旬。月化行之化作几。左畔即人字。

或作几。

張休曜漢銘行几過。茲隸續云几即人字。

皆與九相侶。故人誤爲九。管子海

王篇萬乘之國正人百萬也。今本人誤爲九。

辨見管子雜志。正

與此同民字下半與比相侶。又涉下文諸比字而誤爲

比耳。既云夫家。又云人民者。夫謂丈夫。家謂婦人。見疏。以

婚配者言之也。其餘老弱孤獨不得謂之夫家。則以人

民該之。

縣師疏以人民爲奴婢。非也。謂奴婢爲人民者。惟見質人朝士之文。其餘則否。縣師掌

邦國都鄙稍甸郊里之地域。而辨其夫家人民田萊之

數。亦以夫家人民並言。是其例矣。

大故致餘子

凡國之大事致民。大故致餘子。鄭注曰。大故。謂災寇也。
鄭司農云。餘子。謂羨也。元。謂餘子。卿大夫之子當守於
王宮者也。疏云。司農云。餘子。謂羨也者。以其羨卒。唯田
與追胥竭作。乃使之。此經大故。不合使羨。故鄭不從之。
引之。謹案田與追胥常有之事。猶須羨卒偕行。災寇非
常之事。豈有反不使羨者乎。大司徒之職云。國有大故。
則致萬民於王門。此云大故致餘子。餘子。卽民之子弟。
孟子滕文公篇所謂餘夫也。故大司徒統謂之萬民。蓋
國之大事。但致正卒而已。大故則不惟致正卒。又並羨
卒而致之。故曰。凡國之大事致民。大故致餘子。若謂大

故致卿大夫之子而非羨卒則大司徒何以云國有太
故則致萬民於王門乎。且卿大夫之子謂之國子國有
大事帥國子而致於天子者諸子之職也。與小司徒何
涉乎。鄭云餘子卿大夫之子者蓋據宣二年左傳乃臣
卿之適子又寬其餘子之文。今案民之子弟亦謂之餘
子。逸周書耀匡篇成年餘子務藝年儉餘子務穡年饑
餘子倅運管子問篇餘子父母存不養而出離者幾何
人餘子之勝甲兵有行伍者幾何人莊子秋水篇壽陵
餘子學行於邯鄲司馬彪注曰未應丁夫爲餘子漢書
食貨志餘子亦在于序室蘇林曰未任役爲餘子是也

何必卿大夫之子而後爲餘子乎先鄭之說爲長

地域

乃分地域而辨其守施其職而平其政鄭注曰分地域
謂建邦國造都鄙制鄉遂也故書域爲邦杜子春云當
爲域引之謹案邦者封之脩字古字邦與封通商頌烈
祖篇邦畿千里文選西京賦注引作封畿論語季氏篇
且在邦域之中矣釋文邦或作封又謀動干戈於邦內
釋文鄭本作封內是也封界也域也地封猶地域耳太
司徒之職辨其邦國都鄙之數制其畿疆而溝封之鄭
注曰封起土界也正此所謂地封也在當云邦讀爲封

封界域也其義自明不當徑改爲域

六鄉之治 六鄉之吏

鄉師之職歲終則攷六鄉之治以詔廢置鄉大夫之職

歲終則令六鄉之吏皆會政致事引之謹案鄉師每三

鄉二人

見敘官注

鄉大夫每鄉一人

見敘官

非若大司徒小司

徒之統率六鄉也不得言六鄉之治六鄉之吏六鄉爲

亦古其字也玉篇其巨之切辭也下古文墨子公孟

篇魯有昆弟五人者方父及方長子消酒而不葬是也

今本方誤作亦

亦作元集韻其古作元韓勅碑陰督郵魯元煇

元其姓也廣韻其辭也亦姓陽阿侯其石是也渠之切

示與其同才示並與六相俱故書傳往往互譌史記周

本紀名民三百六十夫索隱引劉氏音破六爲古其字

管子重令篇明主能勝六攻說見管子淮南地形篇道谷六

說見淮南易林蠱之臨周流六虛說文沴字解引五行傳者

不沴作今本六字並誤作其蓋古文其字似六故六誤

爲其其亦誤爲六六鄉卽其鄉謂所掌之鄉也鄉師鄉

大夫各有所掌之鄉故曰其鄉之治其鄉之吏鄉師職

又云各掌其所治鄉之教而聽其治正歲稽其鄉器鄉

大夫職又云各掌其鄉之政教禁令還而頒之于其鄉

吏各帥其鄉之眾寡而致於朝皆言其鄉而不言六鄉

是其明證賈疏及陸氏釋文不言方古其字則所見本已誤爲六不始於唐后經矣。

典舞 以弓矢舞

鄉大夫之職以鄉射之禮五物詢欲庶。一曰和。二曰容。三曰主皮。四曰和容。五曰典舞。鄭注曰。鄭司農云。和。謂閨門之內行也。容。謂容貌也。主皮。謂善射。故書舞爲無。杜子春讀和容爲和頌。謂能爲樂也。無讀爲舞。謂能爲六舞。元謂和載六德。容包六行也。庶民無射禮。因田獵分禽。則有主皮。主皮者。張皮射之無侯也。主皮和容典舞。則六藝之射與禮樂與。論語八佾篇射不主皮。馬融

注曰射有五善焉。一曰和。志體和。二曰容。有容儀。三曰主皮。能中質。四曰和頌。合雅頌。五曰興武。武與舞同。引之謹案。五者皆鄉射之禮也。杜子春及先後鄭注。唯主皮謂射其餘則泛指他事。於射無當。固不若馬說之善也。興舞之義。馬未之及。今案大司樂大射王出入。令奏王夏及射。令奏騶虞。詔諸侯以弓矢舞。舞謂樂舞。故大司樂詔之。鄭注謂執弓挾矢揖讓進退之儀。則是射儀非大司樂所當贊矣。始失之。樂師燕射帥射夫以弓矢舞。則射時有以弓矢舞之禮。以大司樂考之。舞當在歌樂之時。歌詠其聲。舞動其容也。鄉射歌騶虞以射。與王大射同。則射夫亦當以弓矢舞。故曰興舞興者作。

也起也舞師凡小祭祀則不與舞鄭彼注曰興猶作也
皇侃論語疏謂興舞爲射容與樂舞趣興相會非是

祭祀役政喪紀之數

閭胥凡春秋之祭祀役政喪紀之數聚斂庶引之謹案
祭祀役政喪紀不得言數蓋因本篇屢言某某之數而
誤也若大司徒人民之數地域廣輪之數之類數當爲事州長云師田行役

之事鄭長云喪紀祭祀之事此亦當云春秋之祭祀役
政喪紀之事惟有事故聚斂庶若作數則文義不可通
矣鄭注賈疏皆不解數字則其爲事字可知事字易明
無須作解也唐石經始誤作數又案役政卽政役杜子

春讀政爲征是也。後鄭分役政爲二。以爲政若州射黨飲酒失之。上祭祀下喪紀皆二字爲一事。何役政獨爲二事乎。

豐年則公旬用三日焉

均人。凡均力政以歲上下。豐年則公旬用三日焉。中年則公旬用二日焉。無年則公旬用一日焉。鄭注曰。公事也。旬均也。易坤爲均。今書亦有作旬者。疏曰。云旬均也者。王制旣云用民歲不過三日。明不得爲旬。十日解之。故破從均。引之謹案。旬當如字讀。豐年則公旬用三日。中年則公旬用二日。無年則公旬用一日者。謂年豐則

力役之事於一旬中用三日。中年則一旬中用二日。無
年則一旬中用一日也。經云以歲上下則在農功既畢
之後可知。以豐年計之。二月用九日。三冬亦直二十七
日耳。而歲不皆豐。亦不皆凶。則中年一月用六日。三冬
共十八日者。其常也。王制雖云用民之力。歲不過三日。
然治城郭宮室道渠。亦有非三日所能成事者。莊二十
九年左傳。凡土功。水昏正而栽。日至而畢。杜注曰。謂今
十月定星昏而中。於是樹板幹而興作。日南至。微陽始
動。故土功息。據詩定之。方中箋。定星昏中而正。謂小雪
時。小雪十月之中氣。下至日南至之日。冬至十一月一
月中氣。凡一

月而土功始息。則用民之力。已及一月。蓋十倍於三日之數矣。宣十一年傳。楚令尹蔣艾繼城。汭事三旬而成。不愆于素。定元年傳。春王正月辛巳。晉魏舒合諸侯之大夫于狄泉。將以城成。周庚寅。栽城三旬而畢。爲期皆而一月。豈得以三日畢之乎。均人豐年之力政。一月之中。纔用九日。較之三旬。尚少二十一日。不得謂之過多。無煩改旬爲均以強合於王制也。凡王制之文多與周官不合者。王制云。公侯田方百里。伯七十里。子男五十里。而周官大司徒之建邦國。諸公之地。封疆方五百里。諸侯之地。封疆方四百里。諸伯之地。封疆方三百里。諸

子之地。封疆方二百里。諸男之地。封疆方百里。王制云。市廛而不稅。關譏而不征。而周官司市。國凶荒札喪。則市無征。而作布司關。司貨賄之出入者。掌其治禁。與其征。廛國凶札。則無關門之征。然則國無凶荒札喪。關市猶有征稅也。若斯之類。兩存而闕疑。易可矣。豈得比而同之乎。

中

九經古義曰。師氏掌國中失之事。以教國子弟。注云。中禮者也。失。失禮者也。故書中爲得。杜子春云。當爲得。記君得失。若春秋是也。三倉曰。中得也。史記索隱封禪書云。

康后與王不相中。周勃傳勃子勝之尚公主。不相中皆訓爲得。呂覽云禹爲司空以通水潦。顏色黎黑。步不相過。竅氣不通。以中帝心。行論篇。高誘曰。中猶得。然則中失

猶得失。故鄭用杜說而不改字。家大人曰。管子國蓄篇曰。大國之君不相中。舉兵而相攻。謂不相得也。齊策是秦之計中。而齊燕之計過矣。高注亦曰。中得也。中得義相同。故二字可以互用。宋玉風賦曰。中唇爲脣。得目爲眇。韓詩外傳曰。動作中道。從容得禮。漢書京房傳曰。歷中甲庚律得參陽。性中仁義情得公正貞廉是也。中得聲相近。故二字可以通用。呂氏春秋至忠篇。荆莊哀王

獵於雲夢射隨兕中之說苑立節篇作射科雉得之惟
南齊俗篇天之員也不得規地之方也不得矩。文子自
然篇得作巾是也。然則或改字或不改字義得兩通也。
王舉則從

凡祭祀賓客會同喪紀軍旅王舉則從。鄭注曰。舉猶行
也。故書舉爲與。杜子春云。當爲與。謂王與會同喪紀之
事。釋文與音預。引之謹案。作與者是也。王與其事則親
往可知矣。大宗伯之職曰。若王不與祭祀則攝位。祭僕
曰。凡祭祀王之所不與則賜之禽。是吉凶之事。王有與
有不與也。故曰王與則從與本字也。舉借字也。保氏王

舉則從亦當爲與。

內列

朝在野外則守內列鄭注曰內列蕃營之在內者也其
屬帥四夷之隸守之疏曰司隸職云守野舍之厲禁故
云帥四夷之隸守之引之謹案列卽厲禁之厲司隸職
守野舍之厲禁鄭注曰厲遮例也釋文例本又作列同
音烈是厲與列同祭法厲山氏魯語作列山氏蠻隸職在野外則守
厲禁亦與此同意但彼在外此在內爲異耳山虞職物
爲之厲而爲之守禁鄭司農云厲遮列守之典祀職帥
其屬而守其厲禁鄭司農云遮列禁人不得令入墓大

夫職師其屬而巡墓厲。鄭注云厲望限遮列處皆其證也。

主友

調人凡和難。父之讐辟諸海外。兄弟之讐辟諸千里之外。從父兄弟之讐不同國。君之讐眡父。師長之讐眡兄弟。主友之讐眡從父兄弟。鄭注曰。主。大夫君也。引春秋傳曰。晉荀偃卒而視不可舍。宣子盥而撫之曰。事吳敢不如事主。引之謹案。宣子所云乃同官相尊之詞。非大夫君之謂也。惟仕於家者以大夫爲君。晉語曰。三世仕家君之再世以下。主之則家臣之於大夫義與君臣相

等故喪服大夫之臣爲大夫服斬衰。大夫君之讐豈與君同而今乃輕於師長無是理也。今案曲禮曰交遊之讐不同國主友蓋皆交遊之屬主謂適異國所主之人也。羈旅相依有朋友之道故與友竝言之。天戴禮曾子制言上篇曰曾子門弟子或將之晉曰吾無知焉曾子曰何必然往矣有知焉謂之友無知焉謂之主盧注曰且客之而已是其證主之讐不同國者謂爲所主者或爲人所害則與害所主者之人不同國而居也。

純帛

媒氏凡嫁子娶妻入幣純帛無過五兩鄭注曰純實緇

字也。古緇以才爲聲。納幣用緇。婦人陰也。玉藻。大夫佩水蒼玉而純組纓。鄭注曰。純當爲緇。古文緇字或作糸旁才。祭統。王后蠶於北郊。以其純服。鄭注以純爲繒色。釋文。純側其反。家大人曰。純者黝之偕字也。說文黝黃濁黝也。廣雅。黝黑也。廣韻。黝黃黑色也。黝與純聲相近。古字可通。純字自有黑義。無煩改讀爲緇。亦未必皆爲絺字之譌也。士冠禮及士昏禮之純衣。亦當讀爲黝。詳見純衣條下。

鞭度

司市凡市入則胥執鞭度守門。鄭注曰。必執鞭度以威

正人眾也。度謂受也。因刻丈尺耳。引之謹案。方言曰。筭。宋魏之間謂之橐受。或謂之度。郭璞注曰。筭。今連枷所以打穀者。受亦杖名也。今江東呼打爲度。廣雅曰。受度杖也。然則古人謂受爲度以打得名。故鄭云。以威正人眾也。又云。因刻丈尺者。以上文云。以量度成賈而徵債。故并及之。其實鞭度但供撻戮。下文胥職云。執鞭度而巡其前。凡有罪者撻戮而罰之。是也。若均平物賈則當兼操權量不得獨持丈尺矣。賈公彥不解謂受爲度之義。乃云。一物以爲二用。若以繫鞢於上則爲鞭。以長丈一。因刻丈尺則爲度。失之。

誑豫

市之羣吏平肆展成奠賈鄭注曰奠讀爲定整勅會者使定物賈防誑豫也疏曰恐有豫爲誑欺故云防誑豫引之謹案賈未解豫字之義故云豫爲誑欺如賈說則當言豫誑不當言誑豫也今案豫亦誑也晏子問篇曰公市不豫宮室不飾鹽鐵論力耕篇曰古者商通物而不豫工致牢而不僞不豫謂不誑也又禁耕篇曰教之以禮則工商不相豫謂不相誑也連言之則曰誑豫矣荀子儒效篇仲尼將爲司寇魯之鬻牛馬者不豫賈亦謂市賈皆實不相誑豫也

楊倞注豫賈豫定爲高價也誤與賈疏同豫或作儲家語

相魯篇。孔子爲政三月。則鬻牛馬者。不儲賈。儲與奢古聲相近。說文曰。奢張也。爾雅曰。併張誑也。亦古訓之相因。淮南覽其篇黃帝治天下。市不豫賈。史記循吏傳。子產爲相。市不豫賈。索隱曰。謂臨時評其貴賤。說苑反質不豫定賈。誤亦與賈疏同。篇徒師沼治魏。而市無豫賈。義竝與荀子同。說者皆讀豫爲凡事豫則立之豫。望文生義。失其傳久矣。

斂市紬布

廛人掌斂市紬布。總布質布。罰布。廛布。家大人曰。市下有之字。而今本脫之。自唐石經已然。上文質人云。掌成市之貨。賄人民牛馬兵器珍異。下文泉府云。掌斂市之不售貨之滯於民用者。此文云。掌斂市之紬市總布質。

布罰布塵布。三之字文同一例。載師注載師疏及序官疏三引此文皆有之字。

飾行

胥師察其詐偽飾行。價慝者而誅罰之。注曰。鄭司農云。價賣也。慝惡也。謂行且賣姦偽惡物者。元謂飾行價慝。謂使人行賣惡物於市。巧飾之。令欺誑買者。引之謹案。後鄭注乃淺陋人所改。非其原本也。案疏曰。先鄭云。謂行且賣姦偽惡物。以且間之。則行是行步之行。不爲行濫之行。故後鄭不從。以爲行濫解之。是後鄭以行爲行濫。與先鄭異。若如今本云。使人行賣。則與先鄭同矣。疏

何以云後鄭不從乎。又案釋文行下孟反。若是行步之
行不得有下孟之音。司市凡治市之貨賄六畜珍異利
者使阜。害者使亾。後鄭注曰利。利於民謂物實厚者害
害於民謂物行苦者。釋文行遐孟反。又如案。聶胡剛反
苦音古。遐孟。卽下孟也。行濫。卽行苦也。古人謂物脆薄
曰行。或曰苦。或曰行苦。或曰行敝。或曰行濫。九章算術
盈不足章醇酒一斗直錢五十。行酒一斗直錢一十。行
酒。謂薄酒也。潛夫論浮侈篇曰以完爲破。以牢爲行。行
與牢正相反。以牢爲行。猶言以堅爲脆也。方言。揄鋪。慙
慙。帙縷。葉輸。羈也。

羈。古脆字。大雅烝民。釋文曰羈。讀爲脆。本又作脆。荀子議兵篇注曰羈。讀爲脆。

郭璞注曰皆謂物之行敝也

各本敝譌作蔽今據說文敝字注及集韻十虞絰字

注八勿敝字注改正或改行爲扞失之

唐律雜律曰諸造器用之物及絹

布之屬有行濫短狹而賣者杖六十注曰不牢謂之行

不真謂之濫濫卽方言之幘

郭注幘音藍古幘濫同聲

幘爲行敝故

又謂之行濫後鄭以行爲行濫正謂此也今京師人謂

貨物不牢曰行貨與聶氏胡剛反之音正合高郵人言

之則下庚反皆古之遺語也苦與鹽同唐風鴉羽毛傳

曰鹽不攻緻也小雅四牡傳曰鹽不堅固也齊語及管

子小匡篇竝云辨其功苦韋昭注曰功牢也苦脆也尹

知章注曰功謂堅美苦謂濫惡是苦亦行濫之稱故後

鄭又謂之行苦。漢書禮樂志。夫婦之道苦。而淫辟之罪多。孟康曰。苦音盥。夫婦之道行。盥不固也。行盥。即行苦。取行苦之物。飾以欺人。故曰飾行。張衡西京賦。說市曰鬻。良雜苦。蚩眩邊鄙。則飾行之謂也。飾行與儷。儷相對爲文。後鄭之說善矣。江氏慎修周禮疑義舉要。不知後鄭注爲後人所改。因以注爲非。且爲之說曰。飾行者詐於事。是以行爲行事之行也。失之遠矣。

凡治野

遂人。凡治野。夫閒有遂。遂上有徑。云云。家大人曰。野下原有田字。於田中設五溝五涂以治之。故曰治野田。凡治野三字已見上文。此文自作凡治野田。與上文不同。

疏不釋上文之凡治野。而於此釋之云。遂地在郊外田野之中。故云凡治野田。今本賈疏野下無田字。乃後人據已脫之經文刪之。與疏意不合。明是釋此文野田二字以別於上文也。自唐石經始脫田字。而各本皆沿其誤。周頌噫嘻箋及魯頌駉正義引此竝作凡治野田。噫嘻正義釋之云。言凡治郊外野人之田。

與其施舍者

以歲時登其夫家之眾寡及其六畜車輦。辨其老幼廢疾。與其施舍者。引之謹案。鄉大夫職曰。國中貴者賢者能者服公事者老者疾者皆舍。是施舍者正謂老幼廢

疾不得分以爲一。而言與其施舍者也。與其施舍者上當有可任者三字。寡者脫去耳。鄉師職曰以國比之瀦以時稽其夫家。寡寡辨其老幼貴賤廢疾馬牛之物辨其可任者與其施舍者。族師職曰辨其貴賤老幼廢疾可任者是其例也。下文頒職作事。正謂頒之於可任者耳。若無可任者三字。則與下文不相生矣。

經義述聞第八